

## **CYNGOR CYMUNED LLANFAIR MATHAFARN EITHAF**

**COFNODION** o gyfarfod y Cyngor a gynhaliwyd yn Neuadd Goffa Goronwy Owen, Benllech ar Nos Lun, 25 Ionawr, 2016 am 7.00 o'r gloch.

**PRESENNOL** Mr R O Jones, (Cadeirydd), (Benllech A), Mr J Cotterell, (Benllech A), Ms G M Davies, (Benllech A), Mr P Day, (Benllech B), Mr K F Griffiths, (Benllech A), Mr G Harker-Roberts, (Brynteg), Mrs W Owen, (Llanbedrgoch), Mrs J Peers, (Llanbedrgoch), Mrs D Roberts, (Benllech B), Mr I Williams, (Benllech B), Miss N Williams, (Benllech B).

### **147 YMDDIHEURIADAU**

Derbyniwyd ymddiheuriadau am absenoldeb gan y canlynol :- Mr E Ll Owen, (Benllech B).

### **148 COFNODION.**

Llofnododd y Cadeirydd Gofnodion Gyfarfod y Cyngor a gynhaliwyd ar 14 Rhagfyr 2015.

## **LLWYBRAU FFYRDD A PHALMENTYDD**

### **149 CYNGOR SIR YNYS MÔN -YMATEB I FATERION PRIFFYRDD**

Cyflwynwyd er gwybodaeth - gohebiaeth a dderbyniwyd gan Gyngor Sir Ynys Môn a oedd yn ymateb i faterion priffyrdd a gyfeiriwyd ato gan y Cyngor Cymuned.

### **150 CYNGOR SIR YNYS MÔN - GWYRO LLWYBR CYHOEDDUS RHIF 60 (DROS DRO)**

Cyflwynwyd er gwybodaeth - llythyr gan Gyngor Sir Ynys Môn yn hysbysu gwyro Llwybr Cyhoeddus 60 am gyfnod hyd at chwe mis oherwydd atgyweiriadau angenrheidiol yn dilyn tir lithriad.

### **151 MATERION PRIFFYRDD AMRYWIOL.**

Adroddwyd gan Aelodau – amrywiol faterion a oedd angen sylw.

## **GOHEBIAETH**

### **152 CYNGOR SIR YNYS MÔN - ARCHEBION CYNGHORAU CYMUNED 2016/2017.**

Cyflwynwyd er gwybodaeth - llythyr gan Gyngor Sir Ynys Môn yn amcangyfrif 1745.30 o nifer tai Band D o fewn dalgylch y Cyngor i bwrpas Archebion 2016/2017.

### **153 UN LLAIS CYMRU - PWYLLGOR ARDAL YNYS MÔN.**

Cyflwynwyd er gwybodaeth - cofnodion Pwyllgor Ardal Ynys Môn o Un Llais Cymru a gynhaliwyd yn Neuadd y Sir, Llangefni ar yr 22 Hydref 2015.

## **BILIAU A CHYFRIFON**

### **154 BILIAU**

#### **PENDERFYNWYD - talu'r biliau a ganlyn :-**

Edwards Accounting	Paratoi gwybodaeth	£30-00
Eira Fôn Parry	Gwasanaeth Cyfieithu	£50-00
Lingo Cyf	Hurio offer cyfieithu	£36-00
Neuadd Goffa	Llogi'r Neuadd	£180-00
Goronwy Owen		
T J Electrics	Atgyweiriadau offer trydan	£90-00

### **155 CYFRIFON**

Cyflwynwyd - cyfrif yn dangos manylion y taliadau a wnaethpwyd gan y Clerc (yn cynnwys taliadau o dan Gynllun Dirprwyo cyfredol y Cyngor) yn Rhagfyr, 2015.

#### **PENDERFYNWYD – nodi'r cyfrif a chymeradwyo'r taliadau.**

### **156 CYLLIDEB Y CYNGOR**

Cyflwynwyd - manylion o dderbyniadau a gwariant y Cyngor i gymharu â'i gyllideb am y cyfnod o Ebrill 1, 2015 i ddiwedd mis Rhagfyr, 2015.

#### **PENDERFYNWYD – nodi a chymeradwyo'r manylion.**

## **MATERION CYFFREDINOL**

### **157 STRATEGAETH FUDDSODDI FLYNYDDOL 2016/2017.**

Cyflwynwyd – dogfen Strategaeth Buddsoddi drafft am 2016/2017 i'w chymeradwyo.

**PENDERFYNWYD – cymeradwyo'r ddogfen Strategaeth draft fel ag yr oedd.**

### **158 AMCANGYFRIFON 2016/2017.**

Cyflwynwyd – amcangyfrifon y Cyngor yn rhoi manylion o incwm a thaliadau arfaethedig yn 2016/2017.

**PENDERFYNWYD - cymeradwyo'r amcangyfrifon gydag un newid i'r gwariant ar gynllun uwchraddio'r sustem Teledu Cylch Cyfyng. Roedd £25,000 wedi ei glustnodi ar wariant gyda gobaith y buasai £15,000 yn dod o Ymddiriedolaeth Elusennol Ynys Môn. Fodd bynnag yn y cyfnod rhwng paratoi'r Rhaglen a noson y Cyfarfod daeth yn amlwg na fuasai unrhyw gymorth yn deillio o'r Ymddiriedolaeth, er bod cais wedi ei anfon iddynt ar y 6 o Hydref 2015. Ar ôl trafod y mater penderfynodd yr aelodau ddefnyddio £7500 o'r cyfrif cynilo a rhoi £7500 ar y Presept i wneud y £15,000 i fyny. Hefyd gofyn i'r Clerc gysylltu â chwmnïau eraill i ymholi am nawdd tuag at y prosiect, i gynnwys, Magnox, Horizon a McCarthy & Stone.**

### **159 CYNGOR SIR YNYS MÔN - ARCHEB 2016/2017.**

Cyflwynwyd – adroddiad y Clerc ar anghenion cyllidol y Cyngor yn 2016/2017.

**PENDERFYNWYD -**

**(1) codi archebiant o £49,737.**

**(2) mai £98,796 fydd cyllideb y Cyngor am y flwyddyn 2016/2017 Dan Adran 50 Deddf Cyllid Llywodraeth Leol 1992.**

**(Bydd copi o'r Amcangyfrifon a'r Archeb wedi eu newid i adlewyrchu'r newidiadau, yn gynnwysedig yn Rhaglen mis Chwefror.)**

**160 RHESTR GRANTIAU A RHODDION 2016/2017.**

Cyflwynwyd - Atodlen yn dangos dyraniad arfaethedig arian grantiau am y flwyddyn 2016/2017.

**PENDERFYNWYD** - eglurodd y Clerc fod patrwm yn dangos ers rhai blynyddoedd parthed ceisiadau am grantiau gan y Cyngor. Yn y flwyddyn flaenorol prin hanner yr elusennau a sefydliadau a restrir gwnaeth gais am gymorth ariannol. Trafododd yr aelodau'r sefyllfa a phenderfynwyd ystyried edrych yn fwy manwl ar y sefyllfa yng nghyfarfod Chwefror gyda golwg i dynnu rhai enwau o'r rhestr ac efallai cynyddu symiau i rai, a dilyn patrwm o wneud rhoddion ar raddfa fwy lleol.

**161 SEDD WAG WARD BENLLECH B**

Trafodwyd cais Mr Dafydd Hughes am sedd wag Ward Benllech B.

**PENDERFYNWYD** – derbyn Mr Hughes yn unfrydol.

**162 CORFF LLYWODRAETHU YSGOL LLANBEDRGOCH.**

Derbyniwyd llythyr gan Glerc Gorff Llywodraethu Ysgol Llanbedrgoch yn datgan eu bod wedi dilyn yn unol â'r polisi perthnasol i ddiswyddo Mr Elwyn Lloyd Owen oherwydd nad oedd wedi mynychu cyfarfodydd nac wedi anfon ei ymddiheuriadau.

Hefyd cais i'r Cyngor Cymuned drafod dewis Cynghorydd fel olynydd i Mr Owen ar y Corff Llywodraethu.

**PENDERFYNWYD** – gohirio dewis aelod o'r Cyngor Cymuned i eistedd ar y Corff Llywodraethu ar hyn o bryd ac ystyried eto yng nghyfarfod Chwefror o'r Cyngor.

**163 PROSIECT AMGYLCHEDDOL BENLLECH.**

Derbyniwyd ateb gan gwmni yswiriant Zurich ynglŷn â sefyllfa gosod arddangosfeydd a basgedi blodau yn y pentref. Cadarnhaodd y cwmni na fuasai'r Cyngor yn gyfrifol peta'e damwain yn digwydd ac aelod o'r cyhoedd yn cael niwed cyn belled a bod asesiad risg perthnasol wedi ei gwblhau.

Yn anffodus nid oedd mwy o fanylion wedi dod i law parthed prisiau basgedi blodau. Disgwylir y wybodaeth yma erbyn cyfarfod Chwefror.

**164 CYNGOR SIR YNYS MÔN - YMGYNGHORIAD AR FFORDD NEWYDD O OSOD TAI CYMDEITHASOL AR YNYS MÔN.**

Trafodwyd y ddogfen yn gyffredinol ond gohiriwyd cwblhau'r ddogfen ymgynghori hyd gyfarfod Chwefror. Mae'r ymgynghoriad yn cau ar y 6 o Fawrth 2016.

**165 BIL LLYWODRAETH LEOL (CYMRU) (DRAFFT).**

Gwnaed y sylwadau canlynol ar y Bil Llywodraeth Leol (Cymru) (Drafft) ;

Bydd hyfforddiant i aelodau Cyngorau Cymuned yn orchmynnol ac fe estynnir cyfnod swyddogaeth aelod gydag etholiadau yn newid. Cynigir dau opsiwn cyn belled ag y mae Ynys Môn yn y cwestiwn, sef uno a Gwynedd neu uno a Chonwy a Gwynedd. Gofynnwyd i'r Clerc ymateb gan bwysleisio fod Ynys Môn yn aros yn annibynnol.

**166 MYNWENT NEWYDD LLANBEDRGOCH.**

Cadarnhawyd nad oedd unrhyw ddatblygiad pellach gyda'r tir sydd wedi ei glustnodi ar gyfer Fynwent Newydd Llanbedrgoch. Mae'n ymddangos fod y safle yn hanesyddol werthfawr gyda CADW yn dangos diddordeb yno.

**CYNLLUNIO**

**167 CEISIADAU**

**PENDERFYNWYD ar y ceisiadau cynllunio o flaen y Cyngor fel a ganlyn:-**

1. Caniatáu

30C402C	Eugrad, Brynteg
30C145A	6 Precinct, Benllech

2. Gwrthodwyd

30C786	The Cottage, Benllech – Teimlir fod y cais yn or-ddatblygu mewn safle lle mae parcio a mynediad yn anodd yn barod o ystyried y problemau parcio anghyfreithlon ar Lon Llangefni.
--------	--

## **168 PENDERFYNIADAU**

Adroddwyd er gwybodaeth - penderfyniadau cynllunio diweddar Gyngor Sir Ynys Môn.

Terfynwyd y Cyfarfod am 8-15 yr hwyr.